

# TAKMIČENJA U ŠKOLSKOJ 2019/2020. GODINI

## TAKMIČENJE NA NIVOU MEDRESA ISLAMSKJE ZAJEDNICE U BIH

### *Prvo mjesto iz arapskog jezika*

Takmičenje iz arapskog jezika za učenike četvrtog razreda medresa Islamske zajednice u Bosni i Hercegovini održano je 11. 11. 2019. godine u Sarajevu, u Gazi Husrev-begovoj medresi. U pojedinačnom plasmanu naš učenik Abdulah Mrkonjić osvojio je drugo, Mustafa Sprečak četvrto, a Zejd Špijodić peto mjesto. Naša škola je ekipno osvojila prvo mjesto s ukupnih 239 bodova.

### *Šampioni bosanskog jezika*

Trinaesto takmičenje učenika medresa Islamske zajednice u Bosni i Hercegovini iz bosanskog jezika održano je 28. oktobra 2019. godine u Karađoz-begovoj medresi u Mostaru. Učestvovalo je 18 takmičara, odnosno po tri predstavnika iz šest bosanskohercegovačkih medresa. Naša učenica Džehva Dervišević je osvojila prvo mjesto, a Enida Fatić je osvojila drugo mjesto. U ekipnom plasmanu naša škola je odnijela pobjedu.

### *Drugi iz engleskog*

U Medresi "Osman-ef. Redžović" je 4. 11. 2019. godine održano takmičenje iz engleskog jezika učenika medresa Islamske zajednice u Bosni i Hercegovini.

U pojedinačnom plasmanu naš učenik Nasir Nezić osvojio je drugo mjesto, Nudžejma Sakić treće mjesto, a Emir Mehmedčehajić je osvojio šesto mjesto.

Naša škola je osvojila ekipno drugo mjesto sa 273 boda.

### TAKMIČENJA U ORGANIZACIJI PEDAGOŠKOG ZAVODA

Školska 2019/20. godina će ostati upamćena, između ostalog, i po obustavljanju nastavnog procesa, koji je direktno doprinio neodržavanju planiranih takmičenja. Tako se nijedno planirano takmičenje Pedagoškog zavoda TK nije realiziralo.

Ipak, ovdje ćemo navesti nekoliko online-takmičenja iz fizike, na kojima su učestvovali naši učenici.

### *Učešće na Međunarodnoj olimpijadi iz fizike (IPhO)*

Na Međunarodnoj olimpijadi iz fizike (IPhO), koja se održala od 7. do 15. decembra 2020. godine, u konkurenciji 211 učenika iz 37 zemalja naša učenica Enida Fatić je ostvarila zapaženi rezultat. Ona je bila trećeplasirana među takmičarima iz Bosne i Hercegovine, te joj je nedostajalo malo bodova za počasnu medalju.

### *Učešće na Evropskoj olimpijadi iz fizike (EuPho)*

I Evropsko takmičenje iz fizike je održano online 20. i 21. jula 2020. godine. Na ovom takmičenju učestvovalo je preko 250 učenika iz 57 država (zemlje Evrope + gostujući timovi van Evrope), uključujući i našu Bosnu i Hercegovinu. Među 5 takmičara koji su predstavljali Bosnu i Hercegovinu na ovom takmičenju bila je i naša učenica Enida Fatić. Takmičari su izabrani na osnovu izbornog takmičenja koje se održalo u februaru 2020. godine. Takmičenje se sastojalo od dva petosatna testa: teorije i eksperimenta.

*Prvoplasirani u olimpijskoj grupi (D+) na online Ljetnoj školi fizike*

U organizaciji Društva fizičara u FBiH u periodu od 7. do 21. augusta, u dvosedmičnom kampu koji ima za cilj pripremu takmičara za međunarodne olimpijade u narednoj školskoj godini učestvovali su i naši učenici. Tako je učenik III razreda Ismail Brkić proglašen takmičarom sa najvećim brojem bodova, čime je zaslužio diplomu prvog mjesta. Također, na istom kampu je osvojio prvo mjesto i u predolimpijskoj grupi (D-), što ga čini prvim učenikom koji osvaja plasman u dvije grupe. Na pomenutom takmičenju je učestvovao i učenik Muhamed Ahmetović, također učenik III razreda, koji je učestvovao u predolimpijskoj kategoriji (D-), kao i u Kvizu znanja.

*Drugo mjesto na državnom konkursu iz eksperimenata*

U organizaciji Društva fizičara u TK i Prirodno-matematičkog fakulteta Tuzla raspisan je konkurs za eksperimente iz fizike. Tako su 20. juna 2020. godine proglašeni pobjednici u ovoj kategoriji, a učenik Ismail Brkić je, nakon više sedmica intenzivnog rada na modelu "Magnetne puške", zauzeo 2. mjesto na gore spomenutom konkursu.

*Federalno ministarstvo obrazovanja nagradilo dvoje učenika Medrese za vrhunska postignuća u fizici*

U Mostaru je u petak, 6. 12. 2019. godine održana svečanost dodjele nagrada najboljim učenicima osnovnih i srednjih škola u Federaciji Bosne i Hercegovine za školsku 2018/2019. godinu.

Po tri učenika osnovnih i srednjih škola iz svakog kantona nominirala su kantonalna ministarstva obrazovanja. Tako je na svečanosti u Mostaru nagrađeno ukupno 60 osnovnoškolaca i srednjoškolca iz svih kantona u Federaciji Bosne i Hercegovine, a priznanja su uručena i školama koje pohađaju nagrađeni učenici, i to za 58 osnovnih i srednjih škola u Federaciji Bosne i Hercegovine.

Među tri nagrađena srednjoškolca iz Tuzlanskog kantona našla su se dva učenika Behram-begove medrese: Enida Fatić i Tarik Britvarević. U školskoj 2018/2019. godini Enida Fatić je, između ostalih uspjeha, osvojila prvo mjesto na 24. federalnom takmičenju iz fizike, dok je Tarik Britvarević na istom takmičenju osvojio drugo mjesto i bio učenik generacije naše škole.

## OSTALA TAKMIČENJA

### *Naši debatanti prvi na Toastmasters debati*

Debatanti našeg kluba su 20. novembra ove godine učestvovali na Toastmasters debati koja se održala u Sarajevu. Tema s kojom su se predstavili je "Trebaju li građani aktivno učestvovati u društvenim reformama ili to prepustiti svojoj vladi". Naša škola je osvojila prvo mjesto.

## SPORTSKA TAKMIČENJA

### *Šampionski bajrak XXI sportskih susreta IZ u BiH*

Sportski susreti učenika srednjoškolskih ustanova Islamske zajednice u Bosni i Hercegovini održani su 12. i 13. oktobra 2019. godine. Domaćin je bila Elči Ibrahim-pašina medresa u Travniku. Ekipe iz bosanskih medresa i iz Novog Pazara, te ekipa iz Prve bošnjačke gimnazije, takmičile su se u disciplinama: košarka, mali nogomet, atletika i šah. Sveukupni pobjednik ovih susreta je Behrambegova medresa sa osvojena 122 boda. Naši momci su osvojili šest zlatnih, dvije srebrne i jednu bronzanu medalju. Ekipe Behrambegove medrese osvojile su prvo mjesto u košarci i u atletici (u disciplini štafeta 4x100 m). U malom nogometu osvojili su drugo mjesto. Naš učenik Hajrudin Vejzović osvojio je tri zlatne medalje: trčanje na 100 metara, trčanje na 200 metara i skok udalj. Abdulah Šiljić osvojio je prvo mjesto u bacanju kugle. Muamer Arnautović osvojio je drugo mjesto u disciplini trčanje na 800 m. Senahid Ramić osvojio je treće mjesto u šahu.

### *Naše učenice treće*

U Visokom su u periodu 27-29. oktobra ove godine održane sportske igre učenica medresa i gimnazija Islamske zajednice u Bosni i Hercegovini. Na ovom takmičenju su učestvovala i naše ekipe, koje su u ukupnom plasmanu osvojile treće mjesto. Takmičilo se u odbojci, stonom tenisu, atletici i šahu. U stonom tenisu naša učenica Belmina Tursunović osvojila je drugo mjesto, a u odbojci su zauzele drugo mjesto. Selma Džafić je zauzela treće mjesto u šahu.

*Hajrudin Vejzović osvojio bronzanu medalju*

Na Međunarodnom aletskom mitingu "Otvoreno prvenstvo grada Zagreba", koje je održano u srijedu, 19. februara u Zagrebu učestvovao je i naš učenik Hajrudin Vejzović. On se takmičio u konkurenciji seniora, istrčavši dionicu od 60 metara za 6, 99 sekundi. Sa ovim rezultatom osvojio je treće mjesto. On je u ovoj utrci branio boje AK Sloboda Tehnograd iz Tuzle.

*Samir Spahić - najbolji tuzlanski profesor sporta*

U utorak, 25. 2. 2020. godine u Narodnom pozorištu u Tuzli održana je jubilarna 60. manifestacija proglašenja najuspješnijih sportista, klubova, organizacija i sportskih pregalaca s područja grada Tuzle. Među laureatima se našao i naš profesor tjelesnog i zdravstvenog odgoja Samir Spahić. Naime, njemu je Sportski savez Grada Tuzla dodijelio posebno priznanje za najuspješnijeg pedagoga tjelesnog odgoja i sporta u 2019. godini. Podsjetimo, profesor Spahić je predvodio učenike naše škole u brojnim sportskim pobjedama, kako na gradskim, kantonalnim, federalnim i državnim takmičenjima, tako i na međunarodnim turnirima, sportskim susretima učenika srednjih škola Islamske zajednice u BiH i na drugim sportskim borilištima. Njegovu predanost ovom poslu i motiviranost u radu s učenicima u Sportskom savezu Grada Tuzla su na ovaj način vrednovali i nagradili.

*Hajrudin Vejzović - najtrofejniji sportista*

U Narodnom pozorištu u Tuzli je, u organizaciji Sportskog saveza Grada, održana manifestacija proglašenja najuspješnijih sportista u 2019. godini. Naš učenik Hajrudin Vejzović ponio je titulu kao drugi najuspješniji sportista u prošloj godini po ostvarenim rezultatima. Hajrudin Vejzović je član AK Sloboda i naš je najtrofejniji atletičar.

Lista najboljih učenika po odjeljenjima u školskoj 2019/20. godini

| R/B | RAZRED | IME I PREZIME   | KATEGORIJA      |
|-----|--------|-----------------|-----------------|
| 1   | Ia     | Avdibašić Ahmed | Najbolji učenik |
| 2   | Ib     | Dedić Muhamed   | Najbolji učenik |

TAKMIČENJA U ŠKOLSKOJ 2019/2020. GODINI

|    |      |                     |                             |
|----|------|---------------------|-----------------------------|
| 3  | Ic   | Beganović Kanita    | Najbolja učenica            |
| 4  | Id   | Karić Nedžmija      | Najbolja učenica            |
| 5  | IIa  | Keserović Faris     | Najbolji učenik             |
| 6  | IIb  | Mešanović Ahmed     | Najbolji učenik             |
| 7  | IIc  | Omerbašić Zulejha   | Najbolja učenica            |
| 8  | IId  | Dorić Lejla         | Najbolja učenica            |
| 9  | IIIa | Umihanić Fadil      | Najbolji učenik             |
| 10 | IIIb | Brkić Ismail        | Najbolji učenik             |
| 11 | IIIc | Džafić Selma        | Najbolja učenica            |
| 12 | IIId | Hodžić Dženana      | Najbolja učenica            |
| 13 | IVa  | Sinanović Ajdin     | Najbolji sportista          |
| 14 | IVd  | Kurtić Amra         | 1. Mjesto literarni konkurs |
| 15 | IIId | Mehmedčehajić Maida | 2. Mjesto literarni konkurs |
| 16 | IId  | Jahić Emina         | 3. Mjesto literarni konkurs |

Takmičarski uspjesi u školskoj 2019/20. godini

| R/B | IME I PREZIME     | DISCIPLINA             | NIVO TAKMIČENJA | OSVOJENO MJESTO |
|-----|-------------------|------------------------|-----------------|-----------------|
| 1   | Nezić Nasir       | ENGLESKI JEZIK         | Rijaset         | 2               |
| 2   | Sakić Nudžejma    | ENGLESKI JEZIK         | Rijaset         | 3               |
| 3   | Mrkonjić Abdulah  | ARAPSKI JEZIK          | Rijaset         | 2               |
| 4   | Dervišević Džehva | BOSANSKI JEZIK         | Rijaset         | 1               |
| 5   | Fatić Enida       | BOSANSKI JEZIK         | Rijaset         | 2               |
| 6   | Ekipa             | TOASTMASTERS<br>DEBATA | Državno         | 1               |

RANG-LISTA NAJUSPJEŠNIJIH  
ODJELJENJA U ŠKOLSKOJ 2019/20.  
GODINI SA PROPISANIM NAGRADAMA

1. mjesto – odjeljenje IIIId, sa prosječnom ocjenom 4,56. Nagrada je jednodnevni izlet u radnom danu na području BiH sa plaćenim troškovima prijevoza.
2. mjesto – odjeljenje IIIc, sa prosječnom ocjenom 4,53. Nagrada je jednodnevni izlet u neradnom danu na području BiH sa plaćenim troškovima prijevoza.
3. mjesto – odjeljenje IIId, sa prosječnom ocjenom 4,35. Nagrada je jednodnevni izlet u neradnom danu na području TK sa plaćenim troškovima prijevoza.
4. Odjeljenje sa najmanje izostanaka u toku školske godine je odjeljenje Ic, sa ukupno 553 izostanka tokom školske godine (prosječan broj izostanaka po učeniku 17,52), a nagrada je jednodnevni izlet u neradnom danu na području BiH sa plaćenim troškovima prijevoza.